

CONVENIO DE COLABORACIÓN ENTRE A AXENCIA TURISMO DE GALICIA, O CONCELLO DE PALAS DE REI E A ENTIDADE HERMANOS MISIONEROS DE LOS ENFERMOS POBRES PARA A APERTURA E VISITAS PÚBLICAS AO CASTELO DE PAMBRE

Santiago de Compostela, 20 de agosto de 2019

O Castelo de Pambre erixiuse a finais do século XIV. En 1484 pasa a ser propiedade dos Condes de Monterrei como filato con función militares de custodia do Camiño de Santiago e cobro de portazgos. Co tempo, a estabilidade interna de Galicia dentro do conxuntos dos reinos de España e a decadencia do Camiño de Santiago trala reforma protestante do Centro e norte de Europa fan que a súa función acabe derivando en núcleo de produción agropecuaria das terras vinculadas á propiedade da fortaleza na comarca lucense de A Ulloa. En 1702 descríbese xa a ruína da construción principal.

A mediados do século XIX o Duque de Alba cede a súa propiedade á familia Moreiras, D. Manuel García Blanco catedrático e membro da Real Academia Galega e da Real Academia da Historia reivindicou en numerosas ocasións a súa revaloración. Máis adiante vendeu a fortaleza a D. Manuel Taboada Fernández que a cerrou deixándoa arruinarse e acabando coa produción agropecuaria. No ano 2009 por disposición testamentaria pasa a ser propiedade dos Hermanos Misioneros de los Enfermos Pobres. A fortaleza é un dos poucos exemplos de arquitectura militar do medievo galego que se conservou e sobreviviu á Revolta Irmandiña.

A entidade Hermanos Misioneros de los Enfermos Pobres é a actual propietaria do Castelo de Pambre, que se atopa baixo a protección do Estado en virtude do Decreto de 22.04.1949 sobre protección dos castelos españois.

De acordó coa Disposición adicional 2ª da Lei 16/198, do 25 de xuño, do patrimonio histórico español os bens incluídos no referido decreto pasaron a considerarse Bens de Interese Cultural (BIC) e sometidos ao réxime previsto na citada Lei.

Actualmente e de acordó co establecido no artigo 12 da citada Lei, o Castelo de Pambre está inscrito no Rexistro de BIC dependente do Ministerio de Educación, Cultura e Deporte coa categoría de “Monumento”.

A Disposición adicional primeira da Lei 8/1995, do 30 de outubro, de Patrimonio Cultural de Galicia, dispón que “todos aqueles bens mobles e inmobles sitios no ámbito territorial da Comunidade de Galicia que fosen declarados de interese cultural con anterioridade á entrada en vigo desta Lei pasarán a ter a consideración de bens de interese cultural e quedarán sometidos ao mesmo réxime xurídico de protección aplicable a estes”.

A Axencia de Turismo de Galicia ten como obxectivo impulsar, coordinar e xestionar a política autonómica en materia de turismo e , en especial, a promoción e a ordenación do turismo dentro da comunidade e a conservación e promoción dos camiños de Santiago. O artigo 7 da Lei 16/1985, do 25 de xuño, dispón que “ os concellos cooperarán cos organismos competentes para a execución desta Lei na conservación e custodia do

Patrimonio Histórico Español comprendido no seu termo municipal, adoptando as medidas oportunas para evitar o seu deterioro, perda ou destrución. Notificarán á Administración competente calquera ameaza, dano ou perturbación das súa función social que tales bens sufran, así como as dificultades e necesidades que teñan para o cuidado destes bens. Exercerán asimismo as demais función que teñan expresamente atribuídas en virtude desta Lei”

En virtude do artigo 13.2 da Lei 16/1985, do 25 de xuño, os propietarios de bens de interese cultural estarán obrigados a permitir a súa visita pública, nas condicións de gratuidade que se determinen regularmente, ao menos catro días ao mes, en días e horas previamente sinalados.

As partes asinantes deste convenio están interesadas en colaborar para o mantemento da apertura e visitas públicas do Castelo de Pambre, por ser un BIC e un atractivo turístico de primeira orde na Comunidade Autónoma de Galicia, o que incide na promoción e potenciación do Camiño de Santiago e do Turismo en Galicia

O **obxectivo** deste convenio é a colaboración entre a Axencia Turismo de Galicia, o Concello de Palas de Rei e a entidade Hermanos Misioneros de los Enfermos Pobres para a **xestión da apertura e visitas públicas ao Castelo de Pambre.**

